

**REGIONAL NEWS UNIT
ALL INDIA RADIO, AGARTALA
Date: 13-04-2024
Time: 07.35-07.40 AM Hrs
BENGALI MORNING BULLETIN**

3rd phase LS election :

নির্বাচন কমিশন অষ্টাদশ লোকসভা নির্বাচনে তৃতীয় দফার ভোট গ্রহণের জন্য গতকাল বিজ্ঞপ্তি জারি করেছে। গতকাল থেকেই মনোনয়নপত্র দাখিলের প্রক্রিয়া শুরু হয়েছে। মনোনয়নপত্র জমা দেবার শেষ দিন ১৯শে এপ্রিল। স্ক্রুটিনি ২০শে এপ্রিল। মনোনয়নপত্র প্রত্যাহারের শেষ দিন ২২ এপ্রিল। তৃতীয় দফায় ভোটগ্রহণ হবে আগামী ৭ই মে। ১২টি রাজ্য ও কেন্দ্রশাসিত অঞ্চলের মোট ৯৪টি আসনে তৃতীয় দফার নির্বাচন অনুষ্ঠিত হবে।

Governor at Holicross school :

রাজ্যপাল ইন্দ্রসেনা রেডিও নাগ্নু বলেছেন, সন্তানদের জীবন গঠনে অভিভাবকদের অবদানের কথা তুলে ধরতেই অভিভাবক দিবস পালন করা হয়। গতকাল সন্ধ্যায় দুর্জয়নগরে হলিক্রশ স্কুলে অভিভাবক দিবসের উদ্বোধন করেন রাজ্যপাল। তিনি বিদ্যালয় কর্তৃপক্ষের উদ্দেশে ভাষণে বলেন, ছাত্রছাত্রীদের প্রতিযোগিতামূলক পরীক্ষায় সফল হওয়ার মত করে গড়ে তুলেন। অনুষ্ঠানে হলিক্রশ এডুকেশন ফাউন্ডেশনের সম্পাদক ফাদার জর্জ জেকব, আগরতলার বিশপ লোমেন মন্টেরিও ভাষণ পেশ করেন। পরে ছাত্রছাত্রীরা সাংস্কৃতিক অনুষ্ঠান পরিবেশন করে।

CM Manik Saha meeting :

বিজেপি নেতা তথা মুখ্যমন্ত্রী অধ্যাপক ডাক্তার মানিক সাহা গতকাল সন্ধ্যায় বড়দোয়ালিতে নিজ বিধানসভা এলাকার ব্যবসায়ীদের সঙ্গে মত বিনিময় করেন। উপস্থিত ছিলেন অল ত্রিপুরা মার্চেন্ট অ্যাসোসিয়েশনের সম্পাদক সুজিত রায়, আগরতলা পুর নিগমের কর্পোরেটর রত্না দত্ত সহ অন্যরা। মুখ্যমন্ত্রী শ্রী সাহা ভাষণে লোকসভায় পশ্চিম আসনে বিপ্লব কুমার দেব-এর জন্য ব্যবসায়ীদের কাছে ভোট চেয়েছেন।

Ex CM Manik Sarkar :

লোকসভায় পশ্চিম আসনে কংগ্রেস প্রার্থী আশিস কুমার সাহার সমর্থনে বনমালীপুরে এক সমাবেশে সিপিএমের পলিটব্যুরো সদস্য তথা প্রাক্তন মুখ্যমন্ত্রী মানিক সরকার বলেছেন, সরকারের ভুল ত্রুটি নিয়ে সমালোচনা করার অধিকার থাকতে হবে। তিনি অভিযোগ করেন বর্তমানে সরকারকে কোনও কাজের পরামর্শ করার মতো স্বাধীনতা নেই। সংবিধান, আইন পাল্টানোর চেষ্টা চলছে বলে অভিযোগ করেন শ্রী সরকার। সমাবেশে কংগ্রেস বিধায়ক সুদীপ রায় বর্মণ বলেন, এইবারের নির্বাচনের লড়াই সংবিধান রক্ষার জন্য। সভায় ভাষণ পেশ করেন সিপিআইএম রাজ্য কমিটির সদস্য অমল চক্রবর্তী।

Jitendra Chowdhury, prachar :

রাজ্যে বিজেপি জোট সরকারের শাসনে প্রথম পাঁচ বছরে মাত্র ৪৪ দিন বিধানসভার অধিবেশন হয়েছে বলে মন্তব্য করেছেন সিপিআইএম রাজ্য সম্পাদক বিধায়ক জিতেন্দ্র চৌধুরী। গতকাল সন্ধ্যায় কৃষ্ণনগরে লোকসভার পশ্চিম ত্রিপুরা আসনে ইন্ডিয়া মঞ্চের প্রার্থীদের সমর্থনে এক সভায় প্রধান বক্তার ভাষণে তিনি

বলেন, বিধানসভায় রাজ্যের সার্বিক উন্নয়নে উচ্চ পর্যায়ের চর্চা হয় । সভায় ভাষণ পেশ করেন কংগ্রেস বিধায়ক বীরজিৎ সিনহা এবং সুদীপ রায় বর্মণ, রামনগর বিধানসভার উপনির্বাচনে সিপিআইএম প্রার্থী রতন দাস সহ অন্যান্যরা।

Sushanta Chowdhury :

বিজেপি নেতা তথা পর্যটনমন্ত্রী সুশান্ত চৌধুরী গতকাল সন্ধ্যায় জিরানিয়া বাজারে পশ্চিম আসনে লোকসভার প্রার্থী বিপ্লব কুমার দেবের সমর্থনে এক সভায় প্রধান বক্তা হিসেবে উপস্থিত ছিলেন। তিনি বলেন, রাজ্যের মানুষ অশান্তি চান না। শ্রী চৌধুরীর দাবি, গত বিধানসভায় সিপিআইএম কংগ্রেস জোট বেঁধে ভরাডুবি থেকে শিক্ষা নেয়নি ।

Amra Bangali Prachar :

লোকসভায় পশ্চিম ত্রিপুরা আসনে আমরা বাঙালি প্রার্থী গৌরীশংকর নন্দীর সমর্থনে গতকাল বটতলায় এক সভা হয়। সভায় দলের রাজ্য সম্পাদক গৌরাঙ্গ রুদ্রপাল ভাষণে অভিযোগ করেন, বিজেপি সরকার প্রতিশ্রুতি অনুযায়ী বিদেশের ব্যাঙ্কে থাকা কালো টাকা দেশে ফিরিয়ে আনতে পারেনি। শ্রী রুদ্রপাল আমরা বাঙালি দলের প্রার্থীকে লোকসভায় জয়ী করার আবেদন করেন।

Election Negligence Suspended :

লোকসভা নির্বাচনের কাজে দায়িত্বে অবহেলার অভিযোগে পশ্চিম ত্রিপুরা পুলিশ সুপার ড. কিরণ কুমার কে, এক আদেশে পশ্চিম ত্রিপুরা জেলায় কর্মরত এসআই দীপঙ্কর দেবনাথ এবং পুলিশ কনস্টেবল বিপিন সেন চাকমাকে চাকরি থেকে সাময়িক বরখাস্ত করা হয় । রাজ্য নির্বাচন দপ্তর থেকে গতকাল এই সংবাদ জানানো হয়।

Choitro Songkranti :

আজ চৈত্র সংক্রান্তি । ১৪৩০ বঙ্গাব্দের আজ শেষ দিন । নতুন বছরকে স্বাগত জানাতে ঘরে ঘরে প্রস্তুতি চলছে । বিভিন্ন সাংস্কৃতিক সংগঠনও এ উপলক্ষে নানা কর্মসূচি নিয়েছে ।

এদিকে, আজ মূল বিজু অনুষ্ঠিত হবে বুদ্ধ মন্দিরে । এছাড়া, চাকমা সম্প্রদায়ের তিনদিনব্যাপী বিজু উৎসব গতকাল থেকে শুরু হয়েছে । গতকাল অনুষ্ঠিত হয় ফুল বিজু ।

T-20 Cricket :

টিসিএ পরিচালিত সমীরণ চক্রবর্তী স্মৃতি ঘরোয়া টি-২০ ক্রিকেট প্রতিযোগিতায় গতকাল গ্রুপ পর্বের ছয়টি খেলা অনুষ্ঠিত হয়। নরসিংগড়ের টিআইটি মাঠে অনুষ্ঠিত দুটি খেলায় চলমান সংঘ ৭৬ রানে ওল্ড প্লে সেন্টারকে এবং ইউনাইটেড বি এস টি ২ উইকেটে ব্লাডমাউথ ক্লাবকে হারিয়ে দেয়। এম বি বি স্টেডিয়ামে দুটি খেলায় শতদল সংঘ ১৪ রানে মৌচাক ক্লাবকে এবং হার্ভে ক্লাব ৪২ রানে বনমালীপুর ক্রিকেট ক্লাবকে পরাজিত করে। এছাড়া নরসিংগড়ের পিটিএ মাঠে অপর দুটি খেলায় কসমোপলিটন ক্লাব ৭ রানে ইউনাইটেড ফ্রেন্ডসকে এবং জয়নগর ক্রিকেট ৯ উইকেটে পোলস্টার ক্লাবকে পরাজিত করে।

Weather :

আজ আবহাওয়ার পূর্বাভাসে জানানো হয়, আকাশ অংশত:
মেঘলা থাকবে। দু'এক পশলা হালকা বৃষ্টি হতে পারে।
আগরতলায় আজ সকালে সর্বনিম্ন তাপমাত্রা ছিল ২৪ ডিগ্রি
সেলসিয়াস। দিনের সর্বোচ্চ তাপমাত্রা থাকবে ৩৬ ডিগ্রির
কাছাকাছি থাকতে পারে ।
